



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Mater Amoris Et Doloris


Ginther, Anton

Augustæ Vindelicorum, 1711

**VD18 15312348**

Consideratio LV. Secundùm multitudinem dolorum consolationes Spiritûs Sancti lætificant SS. Cor Virginis. Emblema. Ros de cœlo descendens, & languentes erigens flosculos cum inscripto: Dulce ...

[urn:nbn:de:hbz:466:1-47286](https://nbn-resolving.org/urn:nbn:de:hbz:466:1-47286)



# CONSIDERATIO LV.

Secundum multitudinem dolorum consolationes  
 Spiritus Sancti lætificant animam B. V. MARIÆ  
 in die Pentecostes.



*Ego, ego ipse consolabor te. Isa. 51. 12.*

**U**m pientissimus orbis melioris Reparator & Ecclesie suae  
 providentissimus Paterfamilias Christus nunc in caelum  
 abijsser, dilectissimam Matrem suam hujus sacri coetus &  
 familiae suae velut Matremfamilias adhuc aliquo tempo-  
 re relinquere voluit, ut loco sui & Apostolorum & cun-  
 ctorum Mater esset fidelium. Proinde B. Virgo à monte Oliveri ad mon-  
 tem Sion revertens decem ibidem dies cum primis Christianis numero  
 centum & viginti in oratione assidua tum mentali, tum vocali persevera-  
 vit.

*Mater Dolorosa.*

K k k

vit

N.

vit, & adventum Spiritus Sancti ferventissimâ oratione suâ quàm maximè acceleravit, quid enim non poterat impetrare Filia à Patre, Mater à Filio, & Sponsa à Sponso? *DEUS*, ait S. Vincentius Ferrariensis, orationi, precibusque B. Virginis adventum Spiritus sui alligavit; ad quod pariter alluisse videtur Evangelista, dum scribit, quòd Apostoli unâ cum SS. Deipara ad Spiritus Sancti missionem ac receptionem sese per unanimum & ferventem orationem præparârunt: *Erant perseverantes in oratione cum MARIA Matre JESU*, quibus mitissima Virgo sine dubio admirabiles Spiritus S. virtutes, quas per experientiam optimè noverat, interim explicavit, ut sic eos ad ardentius orandum, Divinumque hunc Spiritum postulandum excitaret. Et ecce ubi tandem læta illa dies affuit, quo *DEUS* æstuantissimo piarum harum mentium satisfaceret desiderio, descendit Spiritus S. de cœlo sub specie ignis, coronans Virgineum Caput *MARIÆ*, seditque super singulos: *Et repleti sunt omnes Spiritu Sancto*, &c.

Nos pro Emblemate rorem matutinum statuimus, tranquillo ac sereno tempore de cœlo cadentem, & languentes horrorem flosculos, sicca prata & exustos solis colore agros mirum in modum recreantem, unde Lemma: *Tolerate præmia noctis*, vel si mavis:

### Dulce refrigerium.

Languerat procul dubio pretiosissima Virgo & cum ea Ecclesia primitiva ex absentia dulcissimi Sponsi sui nunc in cœlo ad Patris dexteram in sede majestatis collocati, sed ubi S. Spiritus Paracletus horâ diei tertâ illis apparuit, non eos duntaxat in amore *DEI* ac proximi vehementer accendit, sed & languentes eorum animos quasi dulcissimo consolationis rore perfudit: *Ero quasi vos Israël*.

2. Noënum quondam post tot exanilatos labores, superatosque decumanos marium fluctus columba, olivam pacis rostro ei ferens, mirè consolata est: *At illa venit ad eum ad vesperam, portans ramum olivæ viventibus folijs in ore suo*.

Agar filij sui Ismaëlis miseram sortem & imminentem mortem in solitudine amaris deplorans lacrymis ab Angelo solatore confortata est: *Vocavitque Angelus DEI Agar de cœlo, dicens: Quid agis Agar? Noli timere, exaudivit enim DEUS vocem pueri, &c.*

Joseph fratres suos ob commissum olim scelus pavidos paternè solabatur: *Nolite timere, ego pascam vos, & parvulos vestros, consolatusque est eos, & blandè ac leniter est locutus, &c.*

Ruth fame pressæ, & spicas in agro affinis sui colligenti Booz in-  
genti solatio extitit: *Quæ ait: Inveni gratiam apud oculos tuos Domine Ruth. 2. 13.*  
mi, qui consolatus es me, &c.

Tobias in captivitate constitutus, quia apud Regem Salmanasar  
gratiam invenit, mærentia confratrum suorum concaptivorum corda  
miro solatio mulcebat: *Quotidie pergebat per omnem cognationem suam, Tob. 1. 19.*  
& consolabatur eos.

Job de se ipso ait: *Cùmque sederem quasi Rex, circumstante exercitu, Job. 29. 25.*  
eram tamen mærentium consolator.

O benignissime JESU, qui nunc su-  
per omnes Angelorum choros in cælo elevatus ad dexteram Patris se-  
des, velut *Rex Regum, & Dominus Dominantium*, circumstante *Apoc. 19. 16.*

universo Angelorum exercitu, quia *millia millium ministrant tibi, & de-*  
*ties millies centena millia assistunt tibi*, mærentis tamen ac lugentis Mariæ  
tuæ Consolator esse non desisti, sed eam per Spiritum S. Consolatorem

optimum, maximum benignè consolatus es: *Ego, ego ipse consolabor te: Isa. 51. 12.*

Non Angelus, aut Legatus, non homo, aut alia creatura, sed ego, ego  
ipse consolabor te, omnemque mærorem tuum in gaudium inexplicabile  
convertam. Juvat hîc audire Sophronium: *Cogitate, inquit, & perpen-*  
*ditè, quantis afficiebatur B. Virgo doloribus post Christi ad cælos ascensum;* *Sophon. ser.*  
*de Assumpt.*

*considerate, quo cruciebatur amore, quo desiderio aestuabat hæc Virgo, dum*  
*revolveret animo cuncta, quæ audierat, quæ viderat, quæ cognoverat: Quan-*  
*to indesinenter cremabatur ardore pij amoris; quantis movebatur repleta*  
*Spiritu S. cælestium Secretorum incitamentis; quia etsi diligebat Christum*  
*ex toto corde, ex tota anima, & ex tota mente, novis tamen quotidie inflam-*  
*mabatur presentia absens desideriorum affectibus: tantò siquidem validius,*  
*quanto Divinis illustrabatur intus visitationibus, quam totam repleverat Spi-*  
*ritus S. gratia, quam totam incanduerat Divinus amor, ita ut in ea nihil esset*  
*mundanus quod violaret affectus, sed ardor continuus, & ebrietas persusi*  
*amoris ejus.*

3. In hac Spiritus S. Paraclyti missione verificatum fuit illud Spon- *Cant. 2. 4.*

*sa; Introduxit me Rex in cellam vinariam: ordinavit in me charitatem.*

Cella ista vinaria rectè dici poterit domus illa, in qua sanctissima Virgo  
cum Discipulis Domini erat in oratione congregata, ubi omnes à torren-  
te voluptatis erant quodammodo absorpti, & Spiritus S. gratiâ ac amore  
Divino inebriati; & quæ paulò antè sub umbra crucis steterat dolorum  
pelago immerfa Mater, nunc sub umbra Spiritus S. qui Christi umbra  
appellari solet, cælesti consolatione plena quiescit, ubi cum Sponsa di-  
cere poterat: *Et fructus ejus dulcis gutturi meo, & cum Psalte Regio: Se-* *Cant. 2. 3.*

*cundum Psal. 93. 19.*

*cundum multitudinem dolorum meorum in corde meo consolationes tuae letificaverunt animam meam.* En fructum exantlatæ passionis & tribulationis toleratæ: *Repletus sum consolatione*, ait Gentium Doctor, *superabundo gaudio in omni tribulatione nostra*, quia Spiritus S. erat illi quasi arrha salutaris. O si tanta, tamque suavis arrha ista est, quam Deus servis suis elargiri assolet, quanta erit hæreditas ipsa, quam suo tempore dilectis suis præstabit?

*Psal. 45. 5.*  
*S. Chrysof.*  
*in orat. de*  
*Annunt.*

Hic adimpletum fuit illud Regij Vatis: *Fluminis impetus lætificavit civitatem DEI.* Civitas DEI animata, ait Os Aureum, erat SS. Deipara, civitas sancta, pulcherrima, firma, munita, omnique virtutum & gratiarum genere ornata, in qua novem mensibus ipse DEI Filius inhabitavit: Nunc, consummatâ passione, fluminis impetus, hoc est, Spiritus S. hanc civitatem DEI mirum in modum lætificavit, ac gratijs suis, charismatumque donis replevit: *Spiritus S. ait D. Athanasius, descendit in Virginem cum omnibus suis essentialibus virtutibus, quæ illi per rationem principatus Divini adsunt, imbuens eam in gratia, ut in omnibus gratiosa esset, eò, quod adimpletiooe Spiritus S. omnibus gratijs abundaret.*

*S. Athanas.*  
*hom. de SS.*  
*Deipara.*

O anima Christiana! si MARIA omnibus Spiritus S. gratijs abundat; si in illa est gratia omnis viæ & veritatis; si de plenitudine ejus nos omnes accepimus, & gratiam pro gratia, quare in tentationibus, tribulationibus ac necessitatibus nostris non ad hanc gratiarum Matrem accedimus, ut gratiam efficacem à Spiritu S. nobis impetret? Solent mundani gratiam suorum principum anxie inquirere, Amanum & alios consule, in qua tamen principum gratia non est salus, hæc autem Mater est cunctorum viventium, gratia Spiritus S. plena, quæ nec peccatores à se rejicit, sed benignè complectitur; ita ipsa ad S. Birgittam: *Nedum iustorum, sed etiam peccatorum, qui ad bonam frugem recipere se volunt, Mater sum, eisque opem sero.* Eja anima erige te: *Quicumque, subintrat hic*

*Eccli. 24. 25.*  
*Joan. 1. 16.*

*Esth. 3. 1.*

*In Revel.*  
*lib 14. c. 138.*

*S. Bonav. in*  
*Spec. c. 6.*

*Doctor Seraphicus, septiformem Spiritus S. gratiam adipisci desiderat, ipsum florem Spiritus S. in Virga querat, per Virginem enim ad Florem, per florem ad Spiritum in ipso quiescentem pervenimus; per Mariam ad Christum accedimus: & per Christum gratiam Spiritus S. invenimus.*

4. Olim in umbra Legis sauxit Deus, quâ ratione & modo vitulus tener pro peccatis expiandis à Sacerdote esset immolendus, ubi voluit, ut in sanguine ejusmodi vituli Pontifex digito suo intincto septies altare propitiatorij, quod erat in tabernaculo, alpergeret, ut per hoc accedentes ad tabernaculum delictorum suorum invenirent remissionem:

*Levit. 4. 6.*

*Cumque intinxerit digitum in sanguine, asperget eo septies coram Domino contra*

contra velum Sanctuarij, &c. Hæc illis quondam facta sunt in figura, nobis autem scripta sunt ad correptionem & instructionem.

Per Sacerdotem Christum subaudi, qui non per sanguinem hirco-  
rum aut vitulorum, sed per proprium sanguinem introivit semel in san-  
cta, æterna redemptione inventa. Per vitulum tenerum pro delictis  
hominum immolatum ejus humanitatem intellige, per altare SS. Cor  
Virginis ac Matris dolorosæ, septies Sacrosancto Redemptoris ac Filij  
sui pretioso cruore respersum, primò in circumcisione, secundò in ago-  
nia in horto, cujus non ignara fuit; tertio in flagellatione; quarto in co-  
ronatione; quinto in vestium detractio; sexto in crucifixione; septimò  
in cordis apertione; unde rectè S. Hieronymus in quodam sermone:  
*Quot lésiones in Corpore Christi, tot vulnèra in Corde Matris, quot spinæ S. Hieron.  
pungentes, tot clavi perforantes; quot ictus carnem rumpentes, tot sagittæ cit. ab Ant.  
per oculos intrantes, & tot Cor & animam MARIE Virginis vulnerantes, Rampelogo  
ut ipsa dicat: Non peccavi, & in amaritudinibus moratur oculus meus, &c. Theol. in fig.  
Bib.*

Sed quæres prudens Lector! quare Sacerdos digitum suum in san-  
guine jugulatæ victimæ intinxerit, eoque septies altare, tabernaculum  
& velum, quo Divina secreta in templo contegebantur, asperferit? Ad-  
verte, digitus Spiritum S. designat, per quem dantur charismata, unde  
Ecclesia in hymno: *Dextera DEI tu digitus; & Rupertus Abbas: Illum  
antem in sanguine intingere, est Spiritum S. per sanguinem suum dare, nam l. 2. in Levit.  
digitus DEI dicitur Spiritus Sanctus.* Et ecce immensam Spiritus S. bo-  
nitatem, quia prius altare animatum, hoc est, SS. Cor dolorosæ Vir-  
ginis septem SS. Sanguinis JESU Christi effusionibus aspersum fuit,  
nunc in die Pentecostes vicissim Spiritus S. septem donis suis idem im-  
maculatum Cor preciosissimæ Matris DEI de novo abundantissimè cu-  
mulavit, & auxit, in tantum, ut de ea S. Bernhardus scribat: *MARIA s. Bernh. ser.  
DEI Genitrix, quæ sola totam Spiritus S. gratiam possedisti; & S. Hierony- 4. in Salvæ  
mus: Ceteris per partes præstantur, MARIE vero simul se tota infudit ple- Reg.  
nitudo gratiæ. O pietissima Domina! unicam stillulam de hac tua gra- S. Hieron. in  
tiæ plenitudine etiam nobis misellis, & sufficit nobis: Dulce refrigerium. quodam  
Hymn.*

5. Recordor hinc illius aquæ stillæ, quam quondam dives ille Epu-  
lo inter flammæ tartareas constitutus, cum summis & ineffabilibus tor-  
mentis, tum ardoribus incendiij, tum sicis ardentissimæ torqueretur, ab  
Abrahamo petijt: *Pater Abraham miserere mei, & mitte Lazarum, ut in- Luc. 16. 24.  
tingat extremum digiti sui in aquam, ut refrigeret linguam meam, quia cru-  
cior in hac flamma.* Vide hinc, & admirare anime mi! singularem huma-  
nitatem & humilitatem divitis illius, sed nunc miserrimi Epulonis, qui  
non

non maria, aut flumina, sed unicam duntaxat aquæ guttulam pro mitigandis gehennæ ardoribus postulavit, & quidem ab extremo digiti defluentem. O impie & execranda! quid te unica juvabit guttula? omnes aquarum abyssi, vel ipse Oceanus nec unicam inferni scintillam possunt extinguere.

Subintrat hîc S. Augustinus, qui ait, quod per aquam illam viventem gratia Spiritûs Sancti subaudiri debeat, cujus vel unica guttula per extremum digiti Epuloni in flammis allata, non tantum ei ad mitigandum inferni ardorem, sed & omnem damnatorum gehennam extinguendâ suffecisset: *Per extremum digiti, inquit citatus Antistes Hipponensis, vel minimam operationem significat, quâ per Spiritum S. subvenitur, &c.*

S. Aug. de  
quæstion.  
Evangel.  
l. 2. c. 38.

S. Antonin.  
4. part. tit.  
15. c. 2. § 15.

Collige nunc anima Christiana, quàm inenarrabili dulcedine SS. COR Virginis ac Matris DEI MARIÆ fuerit perfusum, cum in eam non una duntaxat guttula, sed se tota simul infudit gratiæ Spiritûs S. plenitudo: *Beata MARIA, ait D. Antoninus, fuit plena gratiâ quadrupliciter, primò, quia omnes gratias generales & speciales omnium creaturarum habuit in summo. Secundo, quia illas gratias habuit, à quibus omnis creatura vacua fuit. Tertio, quia sua gratia tanta fuit, quod pura creatura majoris gratiæ capax non fuit. Quarto, quia etiam gratiam increatam, id est, Deum in se tota continuit, & sic per omnem modum gratiâ plena fuit.* O miseri mortales! quare diligitis vanitatem, & quæritis mendacium? Cur tantoperè principum gratijs inhiatis? Quousque mundanas delicias, opes fugaces & sensuales vestras quæretis voluptates? Porro unum est necessarium, ut gratiam Spiritûs S. quæretis, sine qua, inquit S. Paulinus, estis viva cadavera. Ficulneam illam respicite à Christo olim maledictam & necatam: *Et arefacta est continuo ficulnea.* Sic vos estis sine gratia Spiritûs S. subtracto enim illius gratiæ humore, arescatis, & perieritis necesse est. Proinde omni labore & studio gratiam Spiritûs S. quærite, & per MARIAM ac Matrem dolorosam quærite: *Quicumque, ait Philotheus Patriarcha, radios à gratia Spiritûs S. projectos haurire oculis cupimus, illud, inquam, inocciduum Divini Luminis jubar; omnes ad gratiæ fontem, id est, ad Genitricem Creatoris accurramus oportet, ad ipsius enim votum summa quæque dona fidelibus communicat DEUS.*

Matt. 21. 19.

Philoth.  
Patr. ex  
Menol. 16.  
Julij ode. 3.

6. Placuit autem Spiritui S. sub diversis umbris & figuris mundo se manifestare. Ab orbis primordio, dum terra adhuc erat inanis & vacua, Spiritus Domini ferebatur super aquas. Hebraicè ad instar volucris, indens eis potentiâ suâ vim prolificam, ut volatilia, reptilia, pisces & germina, imò cœli omnes ex aquis producerentur.

Gen. 1. 2.

libi

Ubi primus homo jacebat in agro instar staruæ è luto formatae sine omni sentu, motu, vita & ratione, supremus rerum omnium plasmator Deus inspiravit in faciem ejus spiraculum vitæ, & factus est homo in animam Gen. 2. 7. viventem. Observa rō inspiravit non solum videlicet animam viventem, sed & ( prout hīc adverunt plures SS. Patrum ) Spiritum S. velut spiraculum vitæ cum omnibus donis, charismatibus, innocentia & justitia originali.

Cum populus Israëliticus è durissima Pharaonis servitute per Moysem educeretur, Spiritus S. eorum Dux & Comes in columna nubis & ignis esse voluit: Dominus autem precedebat eos ad ostendendam viam per Exod. 13. 21. diem in columna nubis, & per noctem in columna ignis, ut Dux esset itineris utroque tempore.

Angelus ille, qui Gedeonem in Ducem contra Madianitas designavit, in Sacrificio summitatem virgæ contra petram extendisse perhibetur: Ascenditque ignis de petra, & carnes azymosque panes consumpsit. Pe. Judic. 6. 21. Tra illa Christum denotabat: Petra autem erat Christus; per ignem à petra ascendente Spiritus S. præsignatus fuit: Lapis ergo, inquit Ruper- I. Cor. 10. 1. tus Abbas, quem percutientes ignem elicimus, Christum significat, qui per Rup. Abb. lib. 5. de Div. Offic. c. 28. cussus verberere crucis Spiritum Sanctum nobis effudit.

Balthasari Regi sacrilego, regali assidenti convivio appaerunt digiti quasi manus hominis contra candelabrum in superficie parietis aulae regiae: Et Rex aspiciebat articulos manus scribentis, &c. Per hunc digitum, damnationis sententiam temulento Regi in pariete scribentem, ait Glossa, Spiritus S. denotatus est, qui est dextera Dei digitus, de quo & Veritas Luc. 11. 20. Christus: In digito Dei ejicio dæmonia. O mortales omnes! Nolite contri- Eph. 4. 30. stare Spiritum Sanctum; supra quod S. Thomas Villanovanus: Id est, eum S. Th. Vill. serm. 3. fugare, vel expellere per peccatum. Et S. Bernhardus: Spiritus iste odit sor- S. Bernh. in Fest. Pentec. des, nec habitare potest in corpore subdito peccatis. Proinde non miror, quod tota plenitudo gratiæ Spiritus S. sese in Cor Virginis Mariæ infuderit, quia nulli unquam subdita erat peccato; hinc in purissimo Corde illius inhabitabat, tanquam Numen in suo templo, tanquam Rex in suo palatio, tanquam gubernator in sua navi, tanquam hortulanus in suo horto, tanquam Dominus in sua domo; & hæc erat domus illa, quam Prov. 9. 1. Sapientia edificavit sibi, in qua excidit columnas septem; immolavit victimas B. Dum. ser. de Nat. B. V. suas, miscuit vinum, & proposuit mensam. Per quam domum B. Petrus Damianus rectè B. Virginem subaudit, quam appellat domum columnis septem suffultam, septem scilicet donis Spiritus S. dotatam, &c.



7. Et hoc est, ad quod alludit Prophetarum Princeps Isaias, ubi de Christo in carne venturo vaticinatus est: *Et requiescet super eum Spiritus Domini, Spiritus sapientie & intellectus, Spiritus consilij, & fortitudinis, Spiritus scientie & pietatis, & replebit eum Spiritus timoris Domini;* quæ dona ac charismata etiam SS. Deiparæ in primo instanti; quo gratiam iustificantem accepit, fuerunt communicata, quæ exinde in die Pentecostes ab eodem Divino Spiritu mirum in modum ac maximo cum incremento fuerunt adaucta, quod celestis ille paranympus & humanæ salutis nuntius Archangelus Gabriel non obscure per illa verba insinuavit, quibus Virginem in sermone suo conturbatam consolatus est: *Spiritus S. superveniet in te, & virtus Altissimi obumbrabit tibi.* Ubi observatio superveniet, quod supponit, prius jam Spiritum S. super Virginem venisse: Et bene dixit, ait Liranus, *superveniet in te, quia prius venerat Spiritus S. super Virginem adhuc in utero Matris existentem, illam ab originali præservando.* Venit insuper in incarnatione Verbi, ubi virtus Altissimi ei obumbravit, formando in illa perfectissimam Christi humanitatem, eamque personæ Verbi modo quodam ineffabili uniendo; & denique in die Pentecostes supervenit, ex cuius adventu, teste S. Ildephonso, Cor Virginis totum amore Divino ad instar ferri igniti & accensi incanduerat. O pientissima Domina, Spiritus S. gratiâ plena & superplena, accende etiam in cordibus nostris, heu quàm tepidis, quàm frigidis hujus Divini amoris ignem: *Ignem veni mittere in terram, & quid volo, nisi ut accendatur.*

Coronidem huic Considerationi imponat Filius ille prodigus, cui pœnitenti pater annulum in manus dari voluit: *Date annulum in manus ejus.* O pater! non annulum sed panem affectat famelicus, & vix ossibus hærens: q. S. Augustinus: Rectè ante omnia annulum in digitum ejus fuisse missum: *Annulus, inquit, in manu pignus est Spiritus S. propter gratiæ participationem.* O SS. Virgo! ô Mater! filius prodigus & ego sum, peccavi enim in cœlum & coram te, sed doleo super omnia ob offensam Deum; ah impetra & mihi misello hunc annulum, Spiritus Sancti gratiam, & in misericordias tuas in æternum cantabo.



CON-